

唐
音
統
籤

乙籤三十三

唐音統籤卷十八

上官儀字游韶陝州人始家江都爲沙門涉貫墳
典工文詞貞觀初擢進士第授弘文館直學士遷
祕書郎太宗每屬文遣儀視草詩成多令繼和凡
有宴集儀嘗與焉高宗立進西臺侍郎同三品嘗
勸帝廢武后語洩爲許敬宗構死其詩以綺錯婉
媚爲本人多倣之謂上官體集三十卷宋志今存
詩一卷

奉和過舊宅應制

石關清晚夏璇興御早秋神麾颺珠雨仙吹響飛

流沛水祥雲泛宛郊瑞氣浮大風迎漢筑藂煙入
舜球翠梧臨鳳邸滋蘭帶鶴舟偃伯歌玄化扈蹕
頌王遊遺簪謬昭獎珥筆荷恩休

早春桂林殿應詔

步輦出披香清歌臨太液曉樹流鶯滿春堤芳草
積風光一作色翻露文雪華上空碧花蝶來未已山
光曉將夕

安德山池宴集

上路抵平津後堂羅薦陳締交開御賞麗席展芳
辰密樹風煙積迴塘荷蕙新雨霽虹橋晚花落鳳

臺春翠釵低舞席文杏散歌塵方惜流觴滿夕鳥
已城闌

酬薛舍人萬年宮晚景寓直懷友

奕奕九成臺窈窕絕塵埃蒼蒼萬年樹玲瓏下冥
霧池色搖晚空巖光歛餘煦清切丹禁靜浩蕩文
河注留連窮勝託風

一作風

期揆善謔東望安仁省

西臨子雲閣長嘯披烟霞高步尋蘭若金秋掩通
門雕鞍歸騎喧燕姝對明月荆豔促芳樽別有青
山路策杖訪王孫

奉和穎川公秋夜

沈寥空色遠
芸黃淒序變
澗浦落遵鴻
長飈送巢燕
千秋流夕景
萬籟含宵喚
峻雉聆金柝
層臺切銀箭

謝都督挽歌

漠漠佳城幽
蒼蒼松檟暮
魯幕飄欲卷
宛駟悲還顧
楚挽繞廬山
胡笳臨武庫
悵然郊原靜
烟生歸鳥度

八詠應制二首

啓重帷重帷照文杏
翡翠藻輕花流蘇媚浮影
瑤笙燕始歸金堂露初晞
風隨少女至虹共美人歸

羅薦已擘鴛鴦被綺衣復有蒲萄帶殘紅豔粉映
簾中戲蝶流鶯聚窗外洛濱春雪迴巫峽暮雲來
雪花飄玉輦雲光上瑩臺共待新粧出清歌送落
梅

入叢臺叢臺裏春露滴瀝間深紅參差散輕素粉
蝶驚復聚黃鸝飛且顧攀折殊未已復值驚飛起
送影舞衫前飄香歌扇裏望望惜春暉行行猶未
歸暫得佳遊趣更愁花鳥稀且學鳥聲調鳳管方
移花影入鴛機

和太尉戲贈高陽公

薰爐御史出神仙雲鞍羽蓋下芝田紅塵正起浮
橋路青樓遙敞御溝前傾城比態芳非節絕世相
嬌二八年慣是洛濱要解珮本自河間好徵歌
釵照曜銜雲髮玉步逶迤動羅袜石榴紋帶輕花
轉桃枝綠扇微風發無情拂袂欲留賓詎恨深潭
不可越天津一別九秋長豈若隨聞三月香南國
自然勝掌上東家復是憶王昌

王昭君

玉關春色晚金河路幾千琴悲柱條上笛怨柳花
前霧掩臨粧月風驚入鬢蟬絨一作書待迴使淚

盡月南

一作雲天

詠雪應詔

楚園凝朔氣，瑞雪掩晨曦。
花明棲鳳閣，珠散影娥池。
飄素迎歌上，翻光向舞移。
幸因千里映，還繞萬年枝。

紀事云：儀應詔詩中用影娥池，學士無解其
事者。今狐德蔡召張柬之等十餘人示此詩，
東之對曰：洞冥記云：漢武帝於望鶴臺西起俯月
臺，臺下穿池，每登臺眺月影入池中，使宮人乘舟
笑弄，月影因名影娥池。德蔡歎其博識。

奉和山夜臨秋

殿帳清炎氣，輦道含秋陰。
淒風移漢筑，流水入虞琴。
雲飛送斷鴈，月上淨疎林。
滴瀝露枝響，空濛烟

壑深

故北平公挽歌

木落園林曠庭虛風露寒北里清音絕南陵芳草
殘遠氣猶標劍浮雲尚寫冠寂寂琴臺晚秋陰入
井幹

江王太妃挽歌

黃鶴悲歌絕椒花清頌餘埃凝寫鄰鏡網結和扉
魚銀消風燭盡珠滅夜輪虛別有南陵路幽叢臨
紫疎

高密長公主挽歌

湘渚韜靈跡娥臺靜瑞音鳳逐清簫遠鸞隨幽鏡
沈霜處華英一作落風前銀燭侵寂寞平陽宅月
冷洞房深

奉和秋日卽目應制

上苑通平樂神池邇建章樓臺相掩映城闕互相
望緹油泛行幔簫吹轉浮梁晚雲含朔氣斜照蕩
秋光落葉飄蟬影平流寫鴈行槿散凌風縟荷銷
裊露香仙歌臨杳蒨玄豫歷長楊歸路乘明月千
門開未央

詠畫障

芳晨麗日桃花浦珠簾翠帳鳳凰樓蔡女菱歌移
錦纜燕姬春望上瓊鉤新妝漏影浮輕扇冶袖飄
香入淺流未減行雨一作雲荆臺下自比凌波洛浦
遊

入朝洛堤步月

古今詩話儀獨持國政時值
天下無事嘗凌晨入朝循洛

水堤步月徐轡詠詩云云音
韻清亮羣公望之猶神仙焉

脉脉廣川流驅馬歷長洲鵲飛山月曙蟬噪野風

秋

胡元瑞云二語音響清越韻
度飄揚齊梁諸子咸當歛衽

從駕閭山詠馬

桂香塵處減練影月前空定乏函關吏徒嗟塞上

翁

春日

紀事作元
萬頃詩

花輕蝶亂仙人杏葉密鶯啼

一作
喧

帝女桑飛雲閣

上春應至明月樓中夜未央

乙籤三十四

至三十
七同卷

唐音統籤卷十九

李敬玄亳州人性彊記博覽羣書高宗東宮崇賢館侍讀儀鳳中中書令輔政後鎮河西坐貶集三十卷

宋志

今存詩二篇

奉和別魯王

高祖子靈夔
歷五州刺史

綠車旋楚服丹蹕佇秦川珠臯轉歸騎金岸引行旂
朝隈原隰千里間風烟鶯喧上林谷鳧響御溝泉
斷雲移魯蓋離歌動舜絃別念凝神宸崇恩洽玳筵
顧惟慙印寂徒自仰鈞天

奉和別越王

太宗子貞武后
時爲豫州刺史

飛蓋迴蘭坂宸襟佇栢梁別館分涇渭歸路指衡漳
關山通曙色林籟徧春光帝念紆千里詞波照五潢

乙籤三十五

薛元超汾陰人道衡之孫收之子尚主爲太子舍人
高宗朝拜中書令在位好引寒俊又嘗預撰晉書集
四十卷又楊炯撰行狀云其版簡州及徒隲州縱酒賦詩有辭後集三卷宋志
並今詩一篇

奉和同太子監守違戀

紀事云高宗在東宮元超爲舍人太宗征

遼東元超與韓王元嘉同太子監守賦違戀詩

儲禁銅扉啓宸行王輶遙空懷壽街吏尚隔寢門

朝北首瞻龍戟塵外想鸞鑣飛文映仙誥一作濟

惠一作歷思叶神飈帝念紆蒼陸乾文煥紫霄歸一作雲

塘橫筆海平圃振詞條欲應重輪曲鱗洋韻九韶

乙籤三十六

張文琮貝州人貞觀中爲持書侍御史三遷亳州

刺史永徽初徵拜戶部侍郎坐作詩餞房遺愛出

爲建州刺史文琮好自寫書筆不釋手集二十卷

宋志今存詩六篇

同潘屯田冬日早朝

假寐懷古人夙興瞻曉月通晨禁門啓冠蓋趨朝
謁霜靄清九衢霞光照雙闕紛綸文物紀煥爛聲
明發腰劍動陸離鳴玉和清越

蜀道難

梁山鎮地險積石阻雲端深谷下寥廓層巖上參
盤飛梁架絕嶺棧道接危巒攬轡獨長息方知斯
路難

昭君怨

戎途飛萬里回首望三秦忽見天山雪還疑上苑
春玉痕垂粉淚羅袂拂胡塵爲得胡中曲還悲遠

嫁人

詠水

標名資上善流派表靈長地圖羅四瀆天文載五潢方流涵玉潤圓折動珠光獨有蒙園吏棲偃翫濠梁

賦橋

造舟浮渭日鞭石表秦初星文遙寫漢虹勢尚凌虛已授文成履空題武騎書別有臨濠上棲偃獨觀魚

和楊舍人詠中書省花樹

花夢映芳叢參差間早紅因風時落砌雜雨乍浮
空影照鳳池水香飄雞樹風豈不愛攀折希君懷
袖中

乙籤三十七

董思恭蘇州吳人所著篇詠甚爲時人所重高宗
時崇賢館學士預撰瑤山玉彩爲右史知考功舉
事坐預泄問目流死嶺表

文苑傳

詩十九篇

三婦艷

大婦裁紈素中婦弄明璫小婦多姿態登樓紅粉
粧丈人且安坐初日漸流光

失題

野郊愴新別河橋非舊餞慘日映峰沉愁雲隨蓋
轉哀笳時斷續悲旌乍舒卷望望情何極浪浪淚
空泫無復昔時人芳春共誰遣

守歲二首

暮景斜芳殿年華麗綺宮寒辭去冬雪暖帶入春
風階馥舒梅素盤花卷燭紅共歡新故歲迎送一
宵中

歲陰窮暮紀獻節啓新芳冬盡今宵促年開明日
長氷銷出鏡水梅散入風香對此歡終宴傾壺待

曙光

昭君怨二首

新年猶尚小那堪遠聘秦裾衫沾馬汗眉黛染顏
塵舉眼無相識路逢皆異人唯有梅將李猶帶故
鄉春

琵琶馬上彈行路曲中難漢月正南遠燕山直一作
極北寒髻鬟風拂亂眉黛雪沾殘斟酌紅顏改一作
盡徒勞握鏡看

詠日

滄海十枝暉玄圃重輪慶薜華發晨楹菱彩翻朝

鏡忽遇驚風飄自有浮雲映更也人皆仰無待揮
戈正

詠月

北堂未安寢西園聊騁望玉戶照羅幃珠軒明綺
障別客長安道思婦高樓上所願君莫違一作清
風時可訪

詠星

歷歷東井舍昭昭右掖垣雲際龍文出池中鳥色
翻流輝下月路一作露墜影入河源方知潁川集別
有太丘門

詠風

蕭蕭度閭闔習習下庭闌
花蝶自飄舞蘭蕙生光
輝相鳥正舉翼退鷁已驚飛
方從列子御更逐浮雲歸

詠雲

帝鄉白雲起飛蓋上天衢
帶月綺羅映從風枝葉
敷參差過層閣倏忽下蒼梧
因風望旣遠安得久
踟躕

詠雪

天山飛雪度言是落花朝
惜哉不我與蕭索從風

飄鮮潔凌紈素紛糝下枝條良時竟何在坐見容
華銷

詠露

夜色凝仙掌晨甘下帝庭不覺九秋至遠向三危
零蘆渚花初白葵園葉尚青晞陽一灑惠方願益
滄溟

詠霧

蒼山寂已暮翠觀黯將沈終南晨豹隱巫峽夜猿
吟天寒氣不歇景晦色方深待訪公超市將予赴
華陰

詠虹

春暮萍生早日落雨飛餘橫彩分長漢倒色媚清
渠梁前朝影出橋上晚光舒願逐旌旗轉飄飄侍
直廬

詠桃

一作太宗詩

禁苑春光麗花蹊幾樹裝綴條深淺色點露參差
光向日分千笑迎風共一香如何仙嶺側獨秀隱
遙芳

詠李

盤根植瀛渚交幹橫倚天舒華光四海卷葉蔭山

川

詠弓

上弦明月半
激箭流星遠
落鴈帶書驚
啼猿映枝轉

詠琵琶

半月無雙影
金花有四時
摧藏千里態
掩抑幾重悲
促節繁紅袖
清音滿翠帷
駛彈風響急
緩曲釧聲遲
空餘關隴恨
因此代相思

卷終

乙籤三十八

同卷三十九

唐音統籤卷二十

王績字無功絳州龍門人文中子通之弟仕隋爲
六合丞嗜酒簡放棄官武德初徵待詔貞觀中以
太樂署史焦革善釀求爲其丞不問流品革死仍
棄官歸躬耕東臯著書號東臯子經過酒肆或留
數日題壁作詩多爲好事者諷咏人有以酒邀者
無貴賤輒往臨終自刻死日預爲墓誌集五卷內
詩一卷

呂才序畧云幼岐嶷年十五謁楊素占對
英辨一座盡傾以爲神仙童子薛道衡見

其賦歎曰今之庾信也河中有渚田十數頃隣有
隱士仲長子光服食養性遂結廬河渚與之相近
以琴酒自樂京兆杜之松清河崔善爲相繼爲刺
史皆召之曰奈何坐召君平耶不往周氏涉筆

曰舊傳四聲自齊梁至沈宋始定爲唐律然沈宋
體製時帶徐庾未若王績剪裁鍛鍊渾然天成真
開述唐詩者藝文志績誤作勣紀事
分王績王勣爲二人又因志而誤王

古意六首

幽人在何所紫巖有仙躅月下橫寶琴此外謫安
欲材抽嶧山榦徽點崑丘王漆抱蛟龍脣絲纏鳳
凰足前彈廣陵罷後以明光續百金買一聲千金
傳一曲世無鍾子期誰知心所屬

竹生大夏谿蒼蒼富奇質綠葉吟風勁翠莖犯霄
密霜霰封其柯鵲鸞食其實寧知軒轅後更有伶
倫出刀斧俄見尋根株坐相失裁爲十二管吹作

雄雌律有用雖自傷無心復招疾不如山上草離
離保終吉

寶龜尺二寸由來宅深水浮遊五湖內宛轉三江
裏何不深復深輕然至溱洧溱洧源流狹春秋不
濡軌漁人遞往還網罟相縈繭一朝失運會刳腸
血流死豐骨輪廟堂鮮腴藉邊簋棄置誰怨尤自
我招此舌餘靈寄明卜復來欽所履

松生北巖下由來人徑絕布葉梢雲烟插根擁巖
穴自言生得地獨負凌雲潔何時畏斤斧幾度經
霜雪風驚西北枝電隕東南節不知歲月久稍覺

枝幹折騰蘿上下碎枝幹縱橫裂行當糜爛盡坐
共灰塵滅寧關匠石顧豈爲王孫折盛衰自有時
聖賢未嘗屑寄言悠悠者無爲嗟大耋

桂樹何蒼蒼秋來花更芳自言歲寒性不知露與
霜幽人重其德徙植臨前堂連拳八九樹偃蹇二
三行枝枝自相糾葉葉還相當去來雙鴻鵠栖息
兩鴛鴦榮陰誠不厚斤斧亦勿傷赤心許君時此
意那可忘

彩鳳欲將歸提羅出郊訪羅張大澤已鳳入重雲
鷗朝栖崑閭木夕飲蓬壺問鳳那遠飛賢君坐

相望鳳言荷深德微禽安足尚但使鄒明全無令
繒繳放皇臣力收舉帝樂簫韶暢自有來巢時明
年阿閣上

石竹詠

萋萋結綠枝曄曄垂朱英常恐零露降不得全其
生歎息聊自思此生豈我情昔我未生時誰者令
我萌棄置勿重陳委化何足驚

田家二首

有作王勃
詩者誤

阮籍生年懶嵇康意氣疎相逢一醉飽獨坐數行
書小池聊養鶴間田且收豬草生元亮徑花暗子

雲居倚床看婦織登隴課兒鋤迴頭尋仙事併是
一空虛

家住箕山下門枕潁川濱不知今有漢唯言昔避
秦琴伴前庭月酒勸後園春自得中林士何忝上
皇人

平生唯酒樂作性不能無朝朝訪鄉里夜夜遣人
酤家貧留客久不暇道精麤抽簾持盞炬拔簣更
燃爐恒聞飲不足何見有殘壺

食後

田家無所有晚食遂爲常菜剪三秋綠炊殮百目

黃胡麻山麩樣楚豆野糜芳如暴松皮脯新添杜
若漿葛花消酒毒莢帶發羹香鼓腹聊乘興寧知
逢世昌

山中敘志

物外知何事山中無所有風鳴靜夜琴月照芳春
酒直置百年內誰論千載後張奉一作鳳娉賢妻老
萊藉嘉偶孟光儻未嫁梁鴻正須婦

春日

前旦出園遊林華都未有今朝下堂來池水開已
久雪避南軒梅風催北庭柳遙呼竈前妾却報機

中婦年光恰恰來
滿甕營春酒

採藥

野情貪藥餌
郊居倦蓬車
青龍護道符
白犬遊仙術
腰鑣戊巳月
負鍾庚辛日
時時斷嶂邊

一作橫

往

徑孤峯
出行披葛仙
經坐檢農皇
帙龜蛇採
二苓
赤白尋雙木
地凍根難盡
藁枯苗易失
從容肉作
名薯蕷
膏成質
家豐松葉酒
器貯參花蜜
且復歸
去來
刀圭輔衰疾

過漢故城

大漢昔未定
強秦猶擅場
中原逐鹿罷
高祖鬱龍

驤經始謀帝座茲焉壯未央規模窮棟宇表裏浚
城隍羣后崇長樂中朝增建章勾陳被蘭綺樂府
奏芝房翡翠明珠帳鴛鴦白玉堂清晨寶鼎食閑
夜鬱金香天馬來東道佳人傾北方何其赫隆盛
自謂保靈長歷數有時盡哀平嗟不昌冰堅成巨
猾火德遂頽綱奧位非虛校貪天竟速亡魂神吁
社稷豺虎鬪巖廊金狄移灞岸銅盤向洛陽君王
無處所年代幾荒涼宮闕誰家域綦燕胷我裳井
田唯有草海水變爲桑在昔高門內于今岐路傍
餘基不可識古墓列成行狐兔驚魍魎鳴鵲嘯獮

狂空城寒日晚平野暮雲黃烈烈樊青棘蕭蕭吹
白楊千秋并萬歲空使詠歌傷

在京思故園見鄉人問

鄉人朱仲晦答
詩見後已籤

旅泊多年歲年去不知迴忽逢門前客道發故鄉
來歛眉俱握手破涕共銜杯殷勤訪朋舊屈曲問
童孩衰宗多弟姪若個賞池臺舊園今在否新樹
也應栽柳行疎密布茅齋寬窄栽經移何處竹別
種幾株梅渠當無絕水石計總生苔院果誰先熟
林花那後開羈心祇欲問爲報不須猜行當驅下
澤去剪故園萊

贈梁公

我欲圖世樂斯樂難可常位大招譏嫌祿極生禍
殃聖莫若周公忠豈踰霍光成王已興誚宣帝如
負芒范蠡何智哉單舟戒輕裝疏廣豈不懷策杖
還故鄉朱門雖足悅赤族亦可傷履霜成堅冰知
足勝不祥我今窮家子自言此見長功成皆能退
自古誰滅亡

贈李徵君大壽

孔淳辭散騎陸昶謝中郎幅巾朝帝罷杖策去官
忙附車還趙郡乘船向武昌九徵書未已十辟譽

彌彰副君迎綺季天子送嚴光
瀟陵幽徑近磻谿
隱路長編蓬還作室績草更爲裳
會稽置樵處蘭陵賣藥行
看書惟道德開教止農桑
別有幽懷侶由來高讓王
前年辭厚幣今歲返寒鄉
有書橫石架無羶坐土牀
蘭英猶足釀竹實本無糧
澗松寒轉直山菊秋自香
管寧存祭禮王霸重朝章
去去相隨去披裘驕盛唐

薛記室收過莊見尋率題古意以贈

伊昔遭喪亂曆數閏

一作適

當餘豺狼塞衢路桑梓

成丘墟吾及爾皆亡東西各異居
爾爲背風鳥我

為涸轍魚逮承雲雷後欣逢天地初東川聊下釣
南畝試揮鋤資稅幸不及伏臘常有儲散誕時須
酒蕭條懶向書朽木不可雕短翮將焉據故人有
深契過我蓬蒿廬曳裾出門迎握手登前除相看
非舊顏忽若一作對接形骸疎追道宿昔事切切心相
於憶我少年時携手遊東渠梅李夾兩岸花枝何
扶疏同志亦不多西莊有姚徐嘗愛陶淵明酌醴
焚枯魚嘗學公孫弘策杖牧羣豬追念甫如昨奄
忽成空虛人生詎能幾感迫常不舒賴有北山僧
教我以真如使我視聽遣自覺塵累祛何事須筌

蹄今已得兔魚舊遊儻多暇同此釋紛拏

晚年敘志示翟處士

正師

弱齡慕奇調無事不兼修望氣登重閣
樓明經思待詔學劍覓封侯棄繻頻北上
懷刺幾西遊中年逢喪亂非復昔追求
失路青門隱藏名白社遊風雲私所愛
屠博暗爲倚解紛曾霸越釋難頗存周
晚歲聊長想生涯太若浮歸來南畝上
更坐北谿頭古岸多磐石春泉足細流
東隅誠已謝西景懼難收無謂退耕近
伏念已經秋庚桑逢處晚陶潛見人羞
三晨寧舉火五月鎮披裘自有

居常樂誰知身世憂

春桂問答二首

問春桂從李正芳華年光隨處滿何事獨無芳
春桂答林華詎能久風霜搖落時獨秀君知不

北山

舊知山裏絕氛埃登高日暮心悠哉子平一去何
時還仲叔長遊遂不來幽蘭獨夜清琴曲桂樹凌
雲濁酒杯槁項同枯木丹心等死灰

獨坐

問君樽酒外獨坐更何須有客談名理無人索地

租三男婚令族五女嫁賢夫百年隨分了未羨陟
方壺

九月九日

野人迷節候端坐隔塵埃忽見黃花吐方知素節
回映巖千段發臨浦萬株開香氣徒盈把無人送
酒來

野草

東臯薄暮望徙倚欲何依樹樹皆秋色山山唯落
暉牧人驅犢返獵馬帶禽歸相顧無相識長歌懷
采薇

贈程處士

百年長擾擾萬事悉悠悠日光隨意落河水任情流
禮樂囚姬旦詩書縛孔丘不如高枕上一作枕枕時取醉消愁

辛司法宅觀妓

文苑作續詩又盧照隣集亦有此

南國佳人至北堂羅薦開長裾隨鳳管促柱送鸞杯
雲光身後落雪態掌中回到愁金谷晚不恠王山顏

詠妓

妖姬飾靚粧窈窕出蘭房日照當軒影風吹滿路

香早時歌扇薄今日舞衫長不應令曲誤持此試
周郎

遊仙四首

暫出東陂路過訪北巖前蔡經新學道王烈舊成
仙駕鶴來無日乘龍去幾年三山銀作地八洞玉
爲天金精飛欲盡石髓溜應堅自悲生世促無暇
待桑田

上月芝蘭徑中巖紫翠房金壺新鍊乳玉釜始煎
香六石黃公術三門赤帝方吹沙聊作鳥動石試
爲羊族氏還程促瀛洲會日長誰知北巖下延首

詠霓裳

結衣尋野路負杖入山門道士言無宅仙人更有
村斜谿橫桂渚小徑入桃源玉牀塵稍冷金爐火
尚溫心疑遊北極望似陟西崑逆愁歸舊里蕭條
訪子孫

真經知那是仙骨定何爲許邁心長切嵇康命似
奇桑疎金闕迴苔重石梁危照水然犀角遊山費
虎皮鳴桃聞已種龍竹未經騎爲向天仙道棲遑
君詎知

策杖尋隱士

策杖尋隱士行行路漸賒石梁橫澗斷土室映山斜
斜孑然縱一作疑有舍威輦遂無家置酒燒枯葉披
書坐落花新垂滋水釣舊結茂陵置歲歲長如此
方知輕世華

黃頰山

別有青谿道斜亘碧巖隈崩榛橫古蔓荒石擁寒
苔野心長寂寞山徑木幽迴步步攀藤上朝朝負
藥來幾看松葉秀頰值菊花開無人堪作伴歲晚
獨悠哉

贈學仙者

採藥層城遠尋師海路賒玉壺橫日月金闕斷煙霞
仙人何處在道士未還家誰知彭澤意更覓一作
道士那一作春釀煎松葉秋杯浸菊花相逢寧
可醉定不學丹砂

詠懷西清詩話

故鄉行處是虛室坐間同日落西山暮方知天下
空

初春

春來日漸長醉客喜年光稍覺池亭好偏宜酒甕
香

嘗春酒

野觴浮鄭酌山酒漉陶巾但令千日醉何惜兩三春

獨酌

在一作浮生知幾日無狀逐空名不如多釀酒時向竹林傾

醉後

阮籍醒時少陶潛醉日多百年何足度乘興且長歌

看釀酒

六月調神翅正朝汲美泉從來作春酒未省不經年

山夜調琴

促軫乘明月抽絃對白雲從來山水韻不使俗人聞

夜還東谿

石苔應可踐叢枝幸易攀青谿歸路直乘月夜歌還

題酒店壁

昨夜餅始盡今朝甕卽開夢中占夢罷還向酒家

來

過酒家五首

一作題
酒店壁

洛陽無大宅長安乏主人黃金銷未盡祇爲酒家
貧

此日長昏飲非關養性靈眼看人盡醉何忍獨爲
醒

竹葉連糟翠蒲萄帶麴紅相逢不令盡別後爲誰
空

對酒但知飲逢人莫强牽倚壚便得睡橫甕足堪
眠

有客須教飲無錢可別沽
來時長道黃慚愧酒家
胡

戲題卜舖壁

旦逐劉伶去宵隨畢卓眠
不應長賣卜須得杖頭
錢

秋夜喜遇王處士

北塲芸藿罷東臯刈黍歸
相逢秋月滿更值夜螢
飛

山中別李處士

爲向東谿道人來路漸賒
山中春酒熟何處得停

家

建德破後入長安詠秋蓬示辛學士

辛答詩見已籤

遇坎聊知止逢風或

一作忽

未歸孤根何處斷輕葉

強能飛

句

琴曲唯留古書多半是經

周氏涉筆

橫裁桑節杖直剪竹皮巾鶴警琴停夜鶯啼酒甕

春顏回唯樂道原憲豈傷貧

或謂謝病詩語

寄身千載下聊遊萬物初欲令無作有翻覺寔成

虛

獨坐

雙關防易斷隻眼畏難全魚鱗張九拒鶴翅擁三

邊

圍棋長篇
韻語陽秋

乙籤三十九

王勔龍門人與弟勵勃才藻相類號王氏三珠樹

歷官涇州刺史武后時與劇並見法

文苑傳

詩一篇

晦日宴高氏林亭同用華字

上序披林館中京視物華竹隄低露葉梅逕起風
花景落春臺霧池侵舊渚沙綺筵歌吹晚暮雨泛
香車

卷終

乙籤四十

唐音統籤卷二十一

王勃字子安絳州龍門人文中子通之孫六歲善
屬文未及冠應舉及第沛王賢聞其名召署府修
撰以戲爲諸王闕雞檄高宗斥之出府去客劍南
久之補虢州叅軍坐事復除名上元中往交趾省
父渡海溺水悸而卒年二十八勃好著書於推步
曆算尤精爲文先磨墨數升引被覆面而臥忽起
書之初不加點時謂腹藁詩三卷

唐志文集通三十卷宋志集三

十卷詩八卷楊炯序畧曰龍朔初載文場變體爭
構纖微競爲雕刻骨氣都盡剛健不聞君思革其
弊用光志業動搖文律宮商有奔命之勞沃蕩詞
源河海無息肩之地長風一振衆萌自偃積年綺

碑一朝清廓翰苑常如詞林增峻反諸宏博君之力焉容齋洪氏隨筆曰王勃等四子之文皆精切有本原其用駢麗蓋一時體格而後來頗濫之杜詩云王楊盧駱當時體輕薄爲文哂未休固曹名與身俱滅不廢江河萬古流所以推之者不淺矣

四言古詩

倬彼我系

并序

兄顯序曰倬彼我系舍弟寶州參軍勃所作也傷迫乎家貧道未成而受祿不得如古之君子四十強而仕也故求其情性原其事業因陳先人之迹以議出處致天爵之艱難也

倬彼我系出自有周分疆錫祉派別枝流居衛仕

宋匡嬴相劉廼武廼文或公或侯晉曆崩圻衣冠

擾弊粵自太原播徂江滢禮喪賢隱時屯道閉王

室如燬生人多嬖伊我有器思逢其主自東旋西
擇木開宇田彼河曲家乎汾浦天未厭亂吾將誰
輔伊我祖德思濟九埏不常厥所于茲五遷欲及
時也夫豈願焉其位雖屈其言則傳爰述帝制大
蒐王道曰天曰人是祖是考禮樂咸若詩書具草
貽厥孫謀永爲家寶伊余小子信慙明哲彼綱有
條彼車有轍思屏人事克終前烈于嗟代綱卒余
來綫來綫伊何謂余曰任我瞻先達三十方起夫
豈不懷高山仰止願言毓德嘏菽飲水有烏反哺
其聲嗷嗷言念舊德憂心忉忉今我不養歲月其

滔僂僂從役豈敢告勞從役伊何薄求卑位告勞
伊何來參卿事名存實爽負信愆義靜言遐思中
心是愧

五言古詩

懷仙

并序

客有自幽山來者啓予以林壑之事而雲霞在
焉思解纓紱永詠山水俾與道超躋爲形滯故
書其
事焉

鶴岑有奇徑麟洲富仙家紫泉漱珠液玄巖列丹
葩常希披塵網眇然登雲車驚情極霄漢鳳想疲
煙霞道存蓬瀛近意慙朝市賒無爲坐惆悵虛此

江上華

忽夢游僊

僕本江上客牽跡在方內寤寐霄漢間居然有靈
對翕爾登霞首依然躡雲背電策驅龍光煙途儼
鸞態乘月披金帔連星解瓊珮浮識俄易歸真遊
邈難再寥廓沈遐想周遑奉遺誨流俗非我鄉何
當釋塵昧

山亭夜宴

桂宇幽襟積松臺涼夜永森沈野逕寒肅穆巖扉
靜竹晦南阿色荷翻北潭影清興殊未闌林端照

初景

春日宴樂遊園賦韻得接字

帝里寒光盡神臯春望浹梅郊落晚英柳甸驚初
葉流水抽奇弄崩雲灑芳牒清尊湛不空暫喜平
生接

上巳浮江宴韻得陟字

披觀玉京路駐賞金臺陞逸興懷九仙良辰傾四
美松吟白雲際桂馥清谿裏別有江海一作漢心日
暮情何已

赴虢州別諸弟

人生忽如客骨肉知何常願及百年內花萼常相
將無使棣萼廢取譬人無良

見葛常之詩話葛據此疑勃兄弟有不相

能亦屬臆度之語似不足憑也

詠風

蕭蕭涼風

一作景

生加我林壑清驅煙尋磻戶卷霧

出山楹去來固無跡動息如有情日落山水靜爲

君起松聲

紀事云此詩最有餘味真天才也

七言古詩

寒夜懷友二首

北山烟霧始茫茫南津霜月正蒼蒼秋深客思紛

無已復值征鴻中夜起

復閣重樓向浦開秋風明月度江來故人故情懷

故宴相望相思不相見

秋日宴滕王閣

有序

南昌故郡洪都新府星分翼軫地接衡廬襟三江而帶五湖控蠻荆而引吳越物華天寶龍光射斗牛之墟人傑地靈懷抱負霜之氣東南盛列俊彩星馳春臺臨此夷夏之宴賓主盡東南之美都督閣公之雅望學軌孟軻字文新州之懿範襟懷暫駐十旬休暇勝友如雲千里逢迎高朋滿座騰蛟起鳳孟學士之詞宗紫電清霜王將軍之武庫家君住宰路出名通產子何加躬逢勝饌時維九月序屬三秋潦水淨而寒潭清煙光凝而暮山紫巖巖駢峙上上落葉風景正崇阿臨幸子之長洲得仙人之舊館層巒聳翠上出重霄飛閣流丹下臨無地鶴汀鳬渚窮島

嶼之縈迴桂殿蘭宮列崗巒之體勢披繡閣俯
雕巖山原曠其盈視川澤肝其駭騰間閭撲地
鍾鳴鼎食之家舸艦迷津青雀黃龍之軸虹銷
雨霏衫微雲衢落霞與孤鶩齊飛秋水共長天
一色漁舟唱晚響窮彭蠡之濱鴈陣驚寒聲斷
衡陽之浦遙吟俯暢逸興遒飛爽籟發而清風
生纖歌凝而白雲過睢園綠竹氣凌彭澤之樽
鄴水朱華光照臨川之筆四美具二難并窮睇
眄於中天極嬉遊于暇日天高地迴覺宇宙之
無窮興盡悲來識盈虛之有數望長安于日下
指吳會于雲間地勢極而南溟深天柱高而北
辰遠關山難越誰悲失路之人萍水相逢盡是
他鄉之客懷帝閤而不見奉宣室以何年嗟乎
時運不齊命途多舛馮唐易老李廣難封屈賈
誼于長沙非無聖主竄梁鴻于海曲豈乏明君
所賴君子安貧達人知命老當益壯寧知白首
之心窮且益堅不墜青雲之志酌貪泉而覺爽
處涸轍以猶懼北海雖賒扶搖可接東隅已逝
桑榆非晚孟嘗高潔空懷報國之心阮籍猖狂
豈效窮途之哭勃三尺微命一介書生無路請

纓等終軍之弱冠有懷投筆慕宗慤之長風捨
簪笏于百齡奉晨昏于萬里非謝家之寶樹接
孟氏之芳隣他日趨庭叨陪鯉對今晨捧袂喜
托龍門揚意不逢撫凌雲而自惜鍾期既過奏
流水以何漸嗚呼勝地不常盛筵難再蘭亭已
矣梓澤丘墟臨別贈言幸承恩于偉饒登高作
賦是所望于羣公敢竭鄙懷恭
疏短引一言均賦曰韻俱成

滕王高閣臨江渚珮玉鳴鸞罷歌舞盡棟朝飛南
浦雲珠簾暮捲西山雨閒雲潭影日悠悠物換星
移幾度秋閣中帝子今何在檻外長江空自流

本傳

勃道出鍾陵九月九日都督綽伯嶼宴滕王閣
宿命其婿作序以夸客因出紙筆偏請客莫敢受
勃竟不辭都督怒起更衣遣吏伺其文輒報至一
前報語益奇乃矍然曰天才也請遂成文極歡罷

長短句

雜曲

智愛神女來訪文君蛾眉始約羅裙

一作袖

初薰歌

行分若向陽臺薦枕何啻得勝朝雲

江南

江南弄巫山連楚夢行雨

一作無此二字

行雲幾相送瑤

軒金谷上春時玉童僊女無見期紫霧香煙眇難

託清風明月遙相思遙相思草徒綠爲聽雙飛鳳

鳳曲

秋夜長

秋夜長殊未央月明露白澄清光層城綺閣遙相

望遙相望川無梁北風受節南鴈翔崇蘭委質時

菊芳鳴環曳珮

一作樓

出長廊爲君秋夜擣衣裳纖

羅對鳳皇丹綺雙鴛鴦調砧亂杵思自傷思自傷

一本無此三字征夫萬里戍他鄉鶴關音信斷龍門道路

長君在天一方寒衣徒自香

採蓮曲

一作採蓮歸

採蓮歸綠水芙蓉衣秋風起浪鳬鴈飛桂棹蘭橈
下長浦羅裙玉腕輕搖櫓葉嶼花潭極望平江謳
越吹相思苦相思苦佳期不可駐塞外征夫猶未
還江南採蓮今已暮今已暮採蓮花渠今那必盡

娼家官道城南把桑葉何如江上採蓮花蓮花復
蓮花花葉何稠疊葉翠本羞眉花紅強似頰佳人
不在茲悵望別離時牽花憐共蒂折藕愛連絲故
情無處所新物徒華滋不惜西津交珮解還羞北
海鴈書遲採蓮歌有節採蓮夜未歇正逢浩蕩江
上風又值徘徊江上月徘徊蓮浦夜相逢吳姬越
女何丰茸共問寒光一作江千里外征客關山路幾
重

臨高臺

臨高臺高臺造造絕浮埃瑤軒綺構何崔巍鸞歌

鳳吹清且哀，俯瞰長安道。萋萋御溝草，斜對甘泉

路。蒼蒼茂陵樹，高臺四望同。帝鄉

一本無此二字

佳氣鬱

蔥蔥紫閣丹，樓紛照耀壁。房錦殿相璫，瓏東迷長

樂觀

一作道

西指未央宮，赤城映朝日。綠樹搖春風

旗亭百隊開，新市甲第千。甍分戚里朱，輪翠蓋不

勝春。疊榭層楹相對起，復有青樓大道中。繡戶文

牕雕綺櫳，錦衾夜不襍。羅幃盡未空，歌屏朝掩翠

粧鏡晚窺紅

楊用修云：下二句應上二句，形容豪家恣情極樂，反易盡夜景，有深意。

爲君開寶髻，蛾眉罷花叢。塵間狹路歸，將暮雲開

月色明如素。鴛鴦池上兩兩飛，鳳凰樓下雙雙度。

物色正如此佳期那不顧銀鞍繡轂盛繁華可憐
今夜宿娼家娼家少婦不須顰東園桃李片時春
君看舊日高臺處柏梁銅雀生黃塵

落花落

落花落落花紛漠漠綠葉青耐暎丹萼與君徘徊
上金閣影拂粧階玳瑁筵香飄舞館茱萸幙落花
飛撩亂入中帷落花春正滿春人歸不歸落花度
氛氲遶高樹落花春已繁春人春不顧綺閣青臺
靜且閑羅袂紅巾復往還盛年不再得高枝難重
攀試復且遊落花裏暮宿落花間與君落落花院臺

上起雙環

環

作

乙籤四十王勃之二

唐音統籤卷二十二

五言律詩

銅雀妓二首

金鳳鄰銅雀漳河望鄴城
君王無處所臺榭若平生
舞席紛何就歌梁儼未傾
西陵松檟冷誰見綺羅情

妾本深宮妓層城閉九重
君王歡愛盡歌舞爲誰容
錦衾不復襞羅衣誰再縫
高臺西北望流涕向青松

對酒春園作

投簪下山閣，攜酒對河梁。
狹水牽長鏡，高花送斷香。
繁鶯歌似曲，疎蝶舞成行。
自然催一醉，非但閱年光。

郊園卽事

烟霞春日

一作早

賞松竹故年心，斷山疑畫障。
懸溜

瀉鳴琴，草徧南亭合。
花開北院深，闌居饒酒賦。
隨興欲抽簪。

郊興

空園歌獨酌，春日賦閒居。
澤蘭侵小徑，河柳覆長渠。
雨去花光濕，風歸葉影疎。
山人不惜醉，唯畏綠

樽虛

仲春郊外

東園垂柳徑西堰落花津
物色連三月風光絕四鄰
鳥飛村覺曙魚戲水知春
初晴山院裏何處染
芳塵

春日還郊

閑情兼默語

默默作

攜杖赴巖泉
草綠繁新帶榆青

綴古錢魚牀侵岸水
鳥路入山煙
還題平子賦花樹滿春田

聖泉宴

并序

玄武山有聖泉焉浸淫歷數百千年乘巖泌湧
接燈分流下瞰長江沙堤石岸咸古人遺跡也
茲乃青蘋綠芰紫苔蒼蘚遂使江湖思遠寤寐
寄托既而崇巖左披石壑前紫丹矚萬尋碧潭
千頃松風唱響竹露薰空瀟瀟乎人間之難遇
也方欲以林壑爲天厲琴樽爲日用嗟乎古今
俱逝方深川上之悲少長同遊且盡山
陰之樂盡題芳什共寫高情詩得泉字
披襟乘石磴列籍俯春泉蘭氣薰山酌松聲韻野
絃影飄垂葉外香度落花前興洽林塘晚重巖起
夕煙

上巳浮江宴韻得遙字

上巳年光促中川興緒遙綠齊山葉滿紅洩岸花
銷泉聲喧後澗虹影照前橋遽悲春望遠江路積

波潮

散關晨度

關山凌旦開石路無塵埃白馬高譚去青牛真氣
來重門臨巨壑連棟起崇隈卽今揚策度非是棄
繻回

易陽早發

飭裝侵曉月奔策候殘星危閣尋丹嶂迴梁屬翠
屏雲間迷樹影霧裏失峯形復此涼飈至空山飛
夜螢

麻平晚行

百年懷土望千里倦遊情高低尋戍道遠近聽泉
聲磻葉纔分色山花不辨名羈心何處盡風急暮
猿清

深灣夜宿

主人依山帶江

津途臨巨壑村宇架危岑堰絕灘聲隱峯交樹影
深江童暮理楫山女夜調砧此時故鄉遠寧知遊
子心

長柳

晨征犯煙磴夕憇在雲關晚風清近壑新月照澄
灣郊童樵唱返津叟釣歌還客行無與晤賴此釋

愁顏

遊三覺寺

香閣披青磴，瑠臺控紫岑。
葉齊山路狹，花積野壇深。
羅幌棲禪影，松門聽梵音。
遽欣陪妙躅，延賞滌煩襟。

觀佛跡寺

蓮坐神容儼，松崖聖趾餘。
年長金跡淺，地久石文疎。
頽華臨曲磴，傾影赴前除。
共嗟陵谷遠，俄視化城虛。

八仙逕

寺南又有昌利觀，去寺可數里。巖逕窮窅，杖而後進。

柰園欣八正松巖訪九仙
援蘿窺霧術攀桂俯雲
阡代北驚驂至遼西鶴騎旋
終希脫塵網連翼下芝田

尋道觀

其觀即昌利觀而張天師居也

芝廬光分野蓬闕盛規模
碧壇清桂闕丹洞肅松
樞玉笈三山記金箱五嶽圖
蒼虬不可見一作空得
望白雲衢

觀內懷仙

玉架殘書隱金壇舊跡迷
牽花尋紫洞一作步葉澗
下清谿瓊漿猶類乳石髓尚如泥
自能成羽翼何

必仰雲梯

山居晚眺贈王道士

金壇疎俗宇玉洞侶仙羣花枝棲晚露峯葉度晴

雲斜照移山影迴沙擁溜

一作籀

文琴樽方待興竹

樹已迎暉

焦岸早行和陸四

侵星違旅館乘月戒征儔
復嶂迷晴色虛巖辨暗
流猿吟山漏曉螢散野風秋
故人渺何際鄉關雲霧浮

羈遊餞別

客心懸隴路遊子倦

一作倦

江干槿豐

一作濃

朝砌靜

篠密夜牕寒琴聲銷別恨風景駐離歡寧竟山川
遠悠悠旅思難

秋日別王長史

別路長

一作餘

千里深恩重百年正悲西候日更動

北梁篇野色籠寒霧山光斂暮煙終知難再奉懷
德自潛然

餞韋兵曹

征驂臨野次別袂慘江垂川霽浮煙斂山明落照
移鴈風凋晚葉蟬露泫秋枝亭臯分遠望延想間

雲涯

白下驛餞唐少府

下驛窮交日昌亭旅食年相知何用早懷抱卽依
然浦樓低晚照鄉路隔風煙去去如何道長安在
日邊

杜少府之任蜀州

城闕輔三秦風煙望五津與君離別意同是宦遊
人海內存知己天涯若比隣無爲在岐路兒女共

霑巾

曹能始云成都本治赤里街張若徙置少城
內廣營府舍修整里閭市張列肆得與咸陽

同制此卽城闕輔三秦之義楊用修云大江自
潮堰至犍爲有五津曰白華津萬里津江首津涉頭

津江南津出
華陽國志

送盧主簿

窮途非所恨
虛室自相依
城闕居年滿
琴樽俗事稀
開襟方未已
分袂忽多違
東巖富松竹
歲暮幸同歸

別薛華

送送多窮路
遑遑獨問津
悲涼千里道
悽斷百年身
心事同漂泊
生涯共苦辛
無論去與住
俱是夢中人

重別薛華

明月沉珠浦秋風濯錦川樓臺臨絕岸洲渚亘長
天旅泊成千里棲遑共百年窮途惟有淚還望獨
潛然

傷裴錄事喪子

蘭堦霜候早松路窈

一作夜

臺深鬼散珠胎沒芳銷

玉樹沈露文晞宿草烟照慘平林芝焚空歎息流
恨滿簾金

唐音統籤卷二十二

終

乙籤四十王勃之三

唐音統籤卷二十三

五言排律

三月曲水宴

得烟字

彭澤官初去，河陽賦始傳。
田園歸舊國，詩酒問長筵。
列室窺丹洞，分樓瞰紫烟。
縈迴亘津渡，出沒控郊鄘。
鳳琴調上客，龍轡儼群仙。
松石偏宜古，藤蘿不記年。
重簷交密樹，複磴擁危泉。
抗石睇南嶺，乘沙眇北川。
傳巖來築處，磻溪入釣前。
日斜真趣遠，幽思夢涼蟬。

題玄武山道君廟二首

并序

吾之有生二十載矣雅厭城闕酷嗜江海嘗學
山經博涉道記知軒冕可以理隔鸞鳳可以術
待而事親多衣食之虞登朝有聲利之迫清議
滯于煩城仙骨摧于俗境嗚呼阮籍意疎嵇康
體放有自來矣常恐運促風火身非金石遂令
林壑交喪烟霞板蕩此僕所以懷泉壑而惴恐
臨山河而歎息者也粵以勝友良暇相與遊于
玄武西山廟蓋蜀郡三靈峰也山東有道君廟
古者相傳以名焉爾其丹壑藂倚玄崖糾合俯
臨萬仞半視重玄乘杏冥之絕境屬芬芳之暮
節玉房跨霄而懸居瓊臺出雲而高峙亦有野
獸群狎山鷺互轉崇松埒巨栢爭險積瀨與幽
湍合響眇眇焉逸逸焉王孫何以不歸羽人何
以長往其玄都紫微之事耶方歛手鍾鼎息肩
巖石絕視聽于寰中置形骸于度外不其然乎
時預乎斯者濟陰鹿弘胤安陽邵令遠耳盍詩
以言志不以
韻數裁焉

源水終無路山阿若有人驅羊先動石走兔欲投

巾洞晚秋泉冷巖朝古樹新峯斜連鳥翅磴盤上
魚鱗化鶴千齡早元龜六代春浮雲今可駕滄海
自成塵

振翮凌霜吹企日佇天潯回鑣凌翠壑飛軫控青
岑巖深靈竈沒澗毀石渠沈宮闕雲間近江山物
外臨玉壇棲暮夜珠洞結秋陰蕭蕭離俗影擾擾
望鄉心誰意山遊好屢傷人事侵

秋日仙遊觀贈道士

有作駱賓王詩
無首四句者誤

石圖分帝宇銀牒洞靈宮迴丹縈岫室複翠上巖
櫳霧濃金竈靜雲暗玉壇空野花常捧露山葉自

吟風林泉明月在詩酒故人同待余逢石髓從爾
命飛鴻

泥谿

弭棹凌奔壑低鞭躡峻岐江濤出岸險峰磴入雲
危溜急船文亂巖斜騎影移水烟籠翠渚山照落
丹崖風生蘋浦葉露泫竹潭枝泛水雖云美勞歌
誰復知

五言絕句

春莊

山中蘭葉徑城外李桃園直知人事靜不覺鳥聲

喧

春園

山泉兩處晚花柳一園春還持千日醉共作百年人

九日

九日重陽節開門有菊花不知來送酒若箇是陶家

夜興

野煙含夕渚山月照秋林還將中散興來偶步兵
琴

山屏夜坐

抱琴開野室
攜酒對情人
林塘花月下
別是一家春

林泉獨飲

丘壑經塗賞
花柳遇時春
相逢今不醉
物色自輕人

扶風書屈離京浸遠

帝里金莖去
扶風石柱來
山川殊未已
行路方悠哉

晚屈鳳州

寶雞辭舊城仙鳳歷遺墟去此近城闕青山明月
初

始平晚息

觀闕長安近江山蜀道賒客行朝復夕無處是鄉
家

山中

長江悲已滯萬里念將歸况屬高風晚山山黃葉
飛

他鄉敘興

綴葉歸烟晚乘花落照春邊城琴酒處俱是越鄉

人

羈春

客心千里倦春事一朝歸還傷北園裏重見落花飛

登城春望

物外山川近晴初景靄新芳郊花柳徧何處不宜春

早春野望

江曠春潮白山長曉岫青他鄉臨眺

一作
睨

極花柳

映邊亭

春遊

客念紛無極春淚倍成行今朝花樹下不覺戀年
光

冬郊行望

桂密巖花白梨疎林葉紅江臯寒望盡歸念斷征
蓬

臨江二首

泛泛東流水飛飛北上塵歸驂將別棹俱是倦遊
人

去驂嘶別路歸棹隱寒洲江臯木葉下應想故城

秋

普安建陰題壁

江漢深無極梁岷不可攀山川雲霧裏遊子幾時還

林塘懷友

芳屏畫春草仙杼織朝霞何如山水路對面卽飛花

寒夜思友三首

久別侵懷抱他鄉變容色月下調鳴琴相思此何極

雲間征思斷月下歸愁切鴻鴈西南飛如何故人別

朝朝翠山下夜夜蒼江曲復此遙相思清樽湛芳綠

贈李十四四首

野客思茅宇山人愛竹林奉尊唯待處風月自相尋

小徑偏宜草空庭不厭花平生詩興酒自得會仙家

亂竹開三徑飛花滿四隣從來楊子宅別有尚玄

人

風筵調桂軫月徑引藤杯直當花院裏書齋望曉
開

江亭夜月送別二首

江送巴南水山橫塞北雲津亭秋月夜誰見泣離
羣

亂煙籠碧砌飛月向南端寂寂離亭掩江山此夜
寒

別人四首

久客逢餘閨他鄉別故人自然堪下淚誰忍望征

塵

江上風煙積山幽雲霧多送君南浦外還望將如
何

桂輶初不駐蘭筵幸未開林塘風月賞應待故人
來

霜華淨天末霧色籠江際客子常畏人何爲久留
滯

七言絕句

蜀中九日登玄武山旅眺

九月九日望鄉臺他席他鄉送客杯人今

一作已

厭南中苦鴻鴈那從北地來

秋江送別二首

早是他鄉值早秋江亭明月帶江流
已覺逝川復別念復看津樹隱離舟

歸舟歸騎儼成行江南江北互相望
誰謂波瀾纔一水已覺山川是兩鄉

河陽橋代竇郎中佳人答楊中舍

披風聽鳥長河路臨津織女遙相妬
判知秋夕帶啼還那及春朝攜手度

句

蘭氣添新酌花香染別衣

九日紀事

客書同十奏臣

劍已三奔

示知已韻
語陽秋

僕生二十祀有志十數年

下策圖富貴上策懷神仙

述懷

卷終